

VISITA AMI :

 www.cfp.gov.tl

 **Comissão Função Pública**
www.sigapnet.gov.tl



MAI HATENE PROSEDIMENTU KONA BA HAKOTU

no nomea okupante ba
Kargu no Kondisaun ba
Kontrataasaun iha Funsan
Pública





I. REKIZITU SIRA KONA-BA APREZENTASAUN PROPOSTA BA KARGU DIRESAUN NO XEFIA

1. SAIDA DEIT MAK SAI NU'UDAR OBJETIVU HUSI ORIENTASAUN NU. 30/CFP/2022. LORON 25 FULAN-OUTUBRU 2022 ?

Orientasaun ida-ne'e hatuur objetivu esensiál haat (4), hanesan :

- Garante komunikasaun iha instituisaun sira atu iha komunikasau molok hato'o proposta ruma ba nomeasaun no/ka cessação (hakotu) okupante ida husi nia kargu;
- Kontribui ba hadi'a diak liután efisiénsia no efikásia iha ámbitu kontratasaun ba Ajente Administrasaun Públika;

- Promove ambiente traballu ho integridade no profesionalizmu aas, atu la prejudika efisiénsia no efikásia iha dezempeñu funcionáriu ida-idak no instituisaun nian;
- Promove inklusaun sosiál (ema ho defisiénsia) no jéneru iha Funsan Públika, liuhusi kargu diresaun no xefia no kontratasaun ba Ajente Administrasaun Públika.



2. ORIENTASAUN IDA-NE'E APLIKA IHA NE'EBE?

- Kondisaun no termu sira mak hatuur iha orientasaun ne'e aplika ba instituisaun sira Administrasaun Públika Estadu nian, iha ne'ebé integra funsionáriu públiku no Ajente Administrasaun Públika sira, ne'ebé hakru'uk (submete) ba regra sira iha Estatutu Funsan Públika nian.

3. IHA KONTESTU ATU PROMOVE JENERU IHA FUNSAUN PUBLIKA. SAIDA MAK KFP REKOMENDA BA INSTITUIASUN SIRA BAINHIRA HATO'O PROPOSTA OKUPANTE SIRA BA KARGU DIRESAUN NO XEFIA?

- Iha proposta sira ba nomeasaun okupante kargu diresaun eh xefia, KFP rekomenda ba instituisaun sira atu integra kandidatu ho feto, mínimu 35% husi proposta, ne'ebé prenxe kondisaun no rekizitu sira atu nomea ba kargu ruma hodi prenxe estrutura instituisaun nian.

4. BAINHIRA HO MOTIVU LEGAL RUMA MAK DETERMINA ATU HAKOTU OKUPANTE FETO IDA HUSI NIA KARGU. SAIDA MAK INSTITUISAUN SIRA PRESIZA HALO ATU PRENXE VAKATURA NE'E?

- Bainhira desizaun atu hakotu okupante feto ida husi nia kargu iha duni fundamentu legál, instituisaun sira tenki propoin fali pesoál foun feto ida, hodi hetan nomeasaun iha rejime substituisaun, ho exesaun se laiha duni pesoá ho seksu feto.





5. KONDISAUN SA DEIT MAK INSTITUISAUN SIRA TENKI OBSERVA IHA PROSESU HAKOTU EH NOMEA OKUPANTE SIRA BA KARGU DIRESAUN EH XEFIA RUMA?

- Evita atu hato'o proposta pesoál atu hakotu eh atu hetan nomeasaun ba kargu ruma ho forma unilateral husi superiór instituisaun nian, sein komunikaun antes ho pesoál ne'ebé atu hapara husi kargu eh atu hetan nomeasaun ba kargu.
- Komunika antes ba pesoál ne'ebé atu hapara husi nia kargu, esklaresé ho forma digna no auténtika (liuhusi meu sira mak legál) kona-ba motivu sira hodi hapara ninia kargu.
- Komunika ho antesedénsia ba pesoál ne'ebé atu hetan nomeasaun ba kargu ruma, husu ninia dispozisaun no hanoín kona-ba proposta refere, nune'e mós ninia kompromisu atu alkansa objetivu sira instituisaun nian mak fiksa ona.
- Garante atu hato'o proposta nomeasaun kargu iha períodu tempu ne'ebé ho antesedénsia nesesária, atu nune'e okupante kargu atuál bele transfere responsabilidade sira ba okupante foun nomós asegura legalidade ba aktu administrativu sira mak pratika, nune'e mós bele iha rekoñesimentu ba ninia direitu no regalia sira tuir lei.

6 SAIDA MAK AKTU TRANSFERÊNSIA RESPONSABILIDADE?

- ktu Transferénsia Responsabilidade nu'udar forma solene ida ne'ebé bele permite okupante tuan entrega responsabilidade sira ba okupante foun, hanesan dokumentu sira hotu, arkivu (eletróniku no dokumentál), materiál sira no kualkér propriedade seluk mak nesesáriu no inerente (ligadu) ho kargu nian.
- Aktu Transferénsua Responsabilidade ne'e bele hala'o ho prezensa superiór no funsióariu sira hotu instituisaun nian no bele de'it halo hafoin hetan ona desizaun nomeasaun husi KFP, ba okupante sira mak nomea iha substituisaun, no hafoin pose, ba okupante sira mak liuhusi selesaun pur méritu.



7. SAIDA DEIT MAK SAI NU'UDAR PAPEL DIRESAUN/DEPARTAMENTU REKURSU UMANU INSTITUISAUN SIRA ADMINISTRASAUN PUBLIKA NIAN ATU GARANTE APROVEITAMENTU BA EIS-OKUPANTE SIRA. HO ESTATUTU FUNSIONARIU PUBLIKU?

- Rekoloka eis-okupante ba diresaun eh departamentu ne'ebé presiza apoiu pesoál, haree tuir kualifikasaun no esperiênsia profisionál pesoál nian;
- Defini no fó-tarefa foun ba eis-okupante, ho kordenasaun unidade/departamentu relevant nian, labele abandona de'it sein aproveitamentu ba nia esperiênsia no abilidade téknika sira maki ha;
- Fornese espasu traballu, materiál no instalasaun bázika eskritóriu nian, asesu ba internet, atu fasilita ninia knaar.

8. SAIDA DEIT MAK SAI NU'UDAR PAPEL KFP NIAN IHA KONTESTU GARANTIA BA APROVEITAMENTU EIS-OKUPANTE SIRA HO ESTATUTU KUADRU PERMANENTE FUNSAUN PUBLIKA NIAN?

- Komunika ho instituisaun relevante sira kona-ba atu haree nesesidade ba rekolokasaun funsionáriu sira, tuir nesesidade servisu instituisaun ida-idak nian;
- Informa ba instituisaun sira atu adota estratejia sira mak nesesáriu hodi garante jestaun rekursu umanu ho efisiente no responsável;
- Determina mobilidade pesoál tuir tipu sira (transferênsia, destakamentu no rekizisaun), ho baze ba konfirmasaun husi instituisaun sira (destinu no orijen);



9. SAIDA DEIT MAK SAI NU'UDAR DEVER HUSI EIS-OKUPANTE NIAN ?

- Koopera ho okupante foun no funsionáriu sira seluk iha instituis-aun;
- Fornese informasaun ka dadus sira ba okupante foun eh funsionáriu sira seluk bainhira presiza, liuliu ba asuntu sira mak antes sai nu'udar ninia responsabilidade;
- Kumpri devér no responsabilidade sira nu'udar funsionáriu públi-ku;
- Partilla/fahe esperiênsia relevante sira ba okupante kargu foun no ba funsionáriu sira seluk.

II. KONDISAUN SIRA KONA-BA KONTRATASAUN AJENTE ADMINISTRASAUN PUBLICA

1. KRITERIU NO KONDISAUN SAIDA DEIT MAK INSTITUISAUN SIRA PRESIZA OBSERVA/HALO-TUIR BAINHIRA HATO'O PEDIDU KONTRATASAUN AJENTE ADMINISTRASAUN PUBLICA ?

- Justifika nesesidade servisu nêbé ezije kontratasaun Ajente Administraun Públika foun;
- Halo deskrisaun servisu nêbé hatudu natureza permanente servisu sira mak ezije kontratasaun refere;



- Hato'o justifikasaun kona-ba previzaun mapa pesoál no verba orsamentál iha klasifikadór ba despeza pesoál instituisaun nian ne'ebé hetan ona aprovasaun;
- Deskrisaun kona-ba rezultadu avaliasaun dezempeñu iha kontratu sira anteriór bainhira sei ho estatutu nu'udar kontratu temporáriu traballu (kazuál).
- Apresenta mós númeru totál pesoál kontratadu ne'ebé iha no esklarese oinsá estratejia instituisaun nian, iha ámbitu pedidu ajustamentu ba estatutu pesoál sira nian husi kazuál ba Ajente Administraun Públika.



2. IHA AMBITU ATU PROMOVE JANERU NO INKLUZAUN SOSIAL. SAIDA MAK KFP REKOMENDA BA INSTITUISAUN SIRA ATU OBSERVA. BAINHIRA HATO'O PROPOSTA KONTRATASAUN BA AJENTE ADMINISTRAUN PUBLIKA SIRA?

Iha kontestu nêe, KFP rekomenda atu integra iha proposta kandidatu feto, mínimu 35%, nomós atu integra pesoál ho defisiénsia, hodi garante jéneru no inkluziun sosiál iha Funsan Públika.



3. KRITERIU NO KONDISAUN SAIDA DEIT MAK INSTITUISAUN SIRA PRESIZA OBSERVA. BAINHIRA APREZENTA PROPOSTA ESTENSAUN KONTRATU AJENTE ADMINISTRASAUN PUBLICA SIRA?

- Lista pesoál atu hetan estensaun tenki ho baze ba lista Ajente Administrasaun Públika neêbé antes hetan autorizasaun husi KFP no rejista ona iha SIGAP;
- Rezultadu ikus avaliasaun dezempeñu Ajente Administrasaun Públika sira mak propoin atu hetan estensaun;

- Karik iha lista mak propoin, iha mós pesoál foun ruma atu substitui sira seluk mak rezigna ona husi funsaun, tenki identifika ho forma klaru no karik pesoál rezignadu feto, tenki propoin pesoál foun feto, ho exesaun se laiha kandidatu feto.



4. INSTITUISAUN SIRA BELE ADMITI PESOAL RUMA ATU PRESTA APOIU HANESAN VOLUNTARIU?

Laiha permissaun atu integra pesoál voluntáriu sira ba apoiu administrativu eh servisu seluk ruma iha instituisaun. KFP ezije atu apoiu sira ligadu ho instituisaun ninia atribuisaun tenki halaõ husi funsionáriu públiku, Ajente Administrasaun Públika eh pesoál kontratatatu ho natureza seluk ruma, tuir lei.



REFERENSIA SIRA :

- Lei n.o 5/2009, loron 15 fulan-Jullu, alterasaun dahuluk ba Lei 8/2004, loron 16 fulan-Juñu, ne'ebé aprova Estatutu Funsuun Públika;
- Dekretu-Lei n.o 22/2011, loron 8 fulan-Juñu, alterasaun dahuluk ba Dekretu-Lei n.o 34/2008, loron 27 fulan-Agostu (Rejimi ba Konkursu, Rekrutamentu, Selesaun no Promosaun Pesoál iha Administrasaun Públika);
- Orientasaun n.o 30/CFP/2022, loron 25 fulan-Outubru, kona-ba rekizitu sira ba apresentasaun proposta kargu direasaun & xefia no kndisaun sira ba kontratasaun Ajente Administrasaun Públika.

